

Naziv suda: Apelacioni sud Brčko distrika Bosne i Hercegovine

Analiza pokazatelja iz statističkog izvještaja o poštivanju optimalnih i predvidivih rokova:

Podaci iz polugodišnjeg izvještaja o poštivanju optimalnih i predvidivih rokova za 2023. godinu pokazuju da je u radu bilo ukupno 359 predmeta, od čega je završeno 287 predmeta ili 80 %. Od ukupnog broja riješenih predmeta, u optimalnom roku je završeno 275 predmeta ili 96 %, dok je u predvidivom roku završeno 283 predmeta ili 99 %. Na kraju polugodišnjeg perioda u 4 predmeta prekoračen je predvidivi rok što predstavlja 1 % od ukupnog broja riješenih predmeta.

Prosječno trajanje riješenih predmeta je 65 dana.

Broj neriješenih predmeta na kraju izvještajnog perioda iznosi 72 predmeta.

U strukturi nezavršenih predmeta u 69 predmeta ili 96 % nije prekoračen predvidivi rok, dok je u 6 predmeta ili 8 % prekoračen optimalni rok, a u tri predmeta ili 4 % prekoračen je predvidivi rok.

Prosječno trajanje neriješenih predmeta iznosi 82 dana.

Analiza navedenih podataka, struktura riješenih i neriješenih predmeta sa aspekta poštovanja optimalnih i predvidivih rokova pokazuje da je sud zadržao visok stepen efikasnosti, iako je jedan sudija na građanskom referatu bio na višemjesečnom bolovanju.

Posebno pozitivan trend predstavlja činjenica da se smanjuje broj neriješenih predmeta na kraju polugodišnjeg perioda, tako da je sa prošlogodišnjih 150 predmeta, sada smanjen na 72 predmeta. Zadržan je visok procenat rješavanja predmeta u optimalnim i predvidivim rokovima od 96 - 99 %, kao i vrijeme trajanja riješenih i neriješenih predmeta, koje je u dužem vremenskom periodu ispod 90 dana.

Analiza raspoloživih resursa u sudu:

Apelacioni sud Brčko distrikta Bosne i Hercegovine je u ovom izvještajnom periodu raspolagao optimalnim materijalno-tehničkim resursima. Međutim, evidentan je nedostatak adekvatnih službenih prostorija za sudije, stručne saradnike i administrativno osoblje, jer u četiri kancelarije radi više od po tri osobe.

U ovom izvještajnom peirodu, poslije višegodišnjeg vremenskog perioda, sud je radio u kompletnom sudijskom sastavu što je odmah povećalo efikasnost rada suda i indeks ažurnosti od 110 %.

Analiza „perioda neaktivnosti“ u predmetima:

U ovom izvještajnom periodu evidentirano je 11 „neaktivnih predmeta“ i svi su vraćani prvostepenom sudu na otklanjanje procesnih nedostataka, kako bi se mogle donijeti drugostepene odluke u skladu sa zakonom.

Prijedlog mjera kako bi se utvrđeni predvidivi rokovi skraćivali i približavali optimalnim rokovima:

Predsjednik suda kontinuirano potencira na obavezi sudija da rješavaju najstarije predmete u sudu u skladu sa Planom rješavanja starih predmeta za 2023. godinu, što direktno utiče na skraćivanje vremena rješavanja predmeta i približavanje utvrđenih predvidivih rokova optimalnim rokovima. Istovremeno, prosječno trajanje neriješenih predmeta se konstantno smanjuje, što je posebno važno sa aspekta prava na suđenje u razumnim rokovima. Predsjednik suda kontinuirano obavještava prvostepeni sud o obavezi hitnog postupanja u cilju otklanjanja procesnih pretpostavki u takozvanim „neaktivnim predmetima“.

Ostalo: